

Electronic Manipulus florum Project

www.manipulusflorum.com

Predicacio ar cum editione moderna

Nequaquam debent homines in etate infirma predicare quia sermo doctrine non suppetit nisi in perfecta etate.

Hoc autem quod dicitur, quia tricesimo anno spiritum prophetiae acceperit, indicat nobis aliquid considerandum, uidelicet quia iuxta rationis usum doctrinae sermo non suppetit nisi in aetate perfecta. Vnde et ipse Dominus anno duodecimo aetatis suae in medio doctorum in templo sedens, non docens, sed interrogans uoluit inueniri. Ut enim non auderent homines in infirma aetate praedicare, ille anno duodecimo aetatis suae interrogare homines est dignatus in terra, qui per diuinitatem suam semper angelos docet in caelo.

Gregorius Magnus, *Homiliae in Hiezechiel prophetam*, 1, 2, 3 (CCSL 142, M. Adriaen, p.18, ll.37-45).

Redemptor noster cum celi sit conditor et angelorum doctor ante tricennale tempus in terra magister noluit fieri hominum, ut uidelicet precipitatis uim saluberrimi timoris infunderet, cum ipse eciam qui labi non posset, perfecte uite graciā non nisi perfecta etate predicaret.

Gregorius in pastorali et super Ezechielem omelia II.

Hinc est quod idem redemptor noster, cum in caelis sit conditor, et ostensione suae potentiae semper doctor angelorum, ante tricennale tempus in terra magister fieri noluit hominum, ut uidelicet precipitatis uim saluberrimi timoris infunderet, cum ipse etiam, qui labi non posset, perfectae uitae gratiam non nisi perfecta aetate praedicaret.

Gregorius Magnus, *Regula pastoralis*, 3, 25 (SC 382, F. Rommel ed., p.436, ll.124-130).